

﴿لَمَّا قُضِيَ الْأَمْرُ﴾ .. الحلقة) 61 (.. #على_فين_يا_شباب .. د

حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله وكل الملك كله وبيك كل الخير كله واليک يرجع الامر كله. اللهم صل على عبدك ونبيك وحبيبك محمد صلى الله عليه وسلم. ثم اما بعد. انا عايزك تركز معي -

00:00:00

اه يا جماعة لو نتعلم من شباب السينما. لما يدخل يتفرج على فيلم النور لازم يطفى عشان يركز وعشان يشوف كوييس. ما حدش يتكلم ما حدش يطلع صوت. ما حدش يتحرك -

00:00:23

انا عايزك قلبك كله بيقى معي الليلة. عايزك تركزي معي بكل زرة في قلبك معي الليلة. فيه واحدة ارسلت رسالة لمهاجرين من رو بتنقول لها انا عايز ابقى نجمة انا عايز ابقى زيك. انا عايز اوصل للي انت وصلتني له. ردت عليها برسالة لغاية الوقت حافزيناها في المتحف البريطاني. بتقول لها ايه؟ بتقول لها انا اتعس انسانة في -

00:00:33

الدنيا بتقول لها اوعي تدخلني في الطريق اللي انا دخلت فيه. لغاية دلوقتي الرسالة محفوظة اية من ايات ربنا. وفي النهاية تموت مالين منتهرة يا جماعة من فقد الله فما زا وجد؟ لقى ايه؟ اللي بعد عن ربنا لقى ايه؟ اللي راح في طريق غير طريق ربنا هيلاقى ايه في النهاية؟ مش هيلاقى اي حاجة. كله -

00:00:53

سراب. اخطر حاجة في الشيطان. ان هو بيخردك قبل ما يدمرك. بيخردك الاول زي واحد جاب شريط فيديو ولا سى دي وراح لشاب قال له شف ده في كورة شف ده فيه لعيبة شف ده فيه بنات خد اتفرج دخل اغتصب اخته سبحان الله العظيم. الشيطان بيخرد الانسان لغاية ما يدمره لغاية ما يضيعه -

00:01:13

تخيل لو انت نزلت حلبة ملاكمه بتلاكم واحد بس غموا لك عينيك. ما عدتش شايف حاجة. هي عمل فيك ايه خصمك؟ هي عمل فيك ايه؟ على ما ينتهي الماتش هي عمل فيك ايه؟ تخيل -

00:01:33

ان الشيطان شايفك وانت ما انتش شايفه. انه يراكم هو وقبيله من حيث لا ترونهم. تخيلوا يا جماعة لو الشيطان الوقتي متربص لنا عامل لنا كمين واحنا ما احنash شايفين. الشيطان هي عمل فينا ايه؟ بيقى المفروض نحذر قد ايه من ابليس؟ نحذر قد ايه من هذا الشيطان اللعين؟ انا عايز اكلكم الليلة -

00:01:43

عن خطبة الشيطان في اهل النار. الشيطان لما يقف على منبر من نار ويخطب في الضحايا بتوعه وهم كلهم ملمومين حواليه. وبيخطب فيهم بعد ما ضيعهم قال الشيطان لما قضي الامر. لما كل حاجة انتهت. لما اهل النار دخلوا النار. لما تسلسلوا بسلاسلها. لما كلوا من زقومها. لما نزلوا -

00:02:03

في القاع بتاعها واتردوا فيها. لما قضي الامر لما اهل الجنة دخلوا الجنة. لما سبحوا في انهارها لما سكنوا في قصورها. لما تزوجوا من حورها لما تعمموا بنعيمها لما اكلوا من ثمارها لما قضي الامر لما كل حاجة انتهت. يطلع الشيطان بوجهه القبيح قدام اهل النار. لما كل حاجة خلاص خلصت ما عادش حد يعرف يرجع -

00:02:23

في كلامه. قال الشيطان لما قضي الامر. قال رسول الله صلى الله عليه وسلم في حديث ابو هريرة في صحيح مسلم. تقيي الارض افالاذ كبدتها امثال الاسطوان من الذهب والفضة. تخيل والواحد طالع يوم القيمة ويلاقى الارض بتطلع كتوزها بقى مرة تانية. بس

تقطي ترجع شفت الاكل - 00:02:43

هو جميل في الترابيزة وبعد كده الاكل بعد ما يعني منظر فظيع تقطي الارض افلاذ كبدها. امثال الاسطوان من الذهب والفضة. الدنيا طلعت الابراج العمارت الذهب العربيات الموبایلات كل فتن الدنيا الارصدة الذهب كله طلع يطلع الناس تقطي الارض افلاذ كبدها امثال - 00:03:03

من الذهب فيأتي القاتل وينظر بيصل بيبص للفلوس بيبص للدنيا ويقول في هذا قتلت ده اللي انا خسرت ربنا عشانه ده اللي انا ضييعت علاقتي بربنا عشانه ويأتي السارق وينظر ويقول في هذا قطعت يدي ويأتي القاطع وينظر ويقول - 00:03:23
في هذا قطعت رحمي. ثم يدعونها فلا يأخذون منها شيئا. النهاية ما حدش بص لها. الدنيا طلعت بعد ما الشيطان لها ما اتسحب منها. الدنيا زهرت على حقيقتها يا جماعة. قال الشيطان لما قضي الامر. لما قضي الامر بعد ايه؟ اللي هيفوق الوقت بعد ايه؟ اللي - 00:03:43

الوقت يقول عايز ارجع تاني بعد ايه؟ ابو ابراهيم لما يلاقي نفسه يوم القيمة والنار احاطت به والنار بتصرف له. يصرخ في ابنه اليوم ولا اعصيك ابدا. بعد ايه؟ خلاص خلصت خلاص انتهت. اهل النار. لما يلاقو اهل الاعراف بعد خمسين الف سنة ذل وبص ما بين - 00:04:03

الجنة والنار يلاقو ربنا دخلهم الجنة في النهاية. يقروا لاهل الجنة افيضوا علينا من الماء يستغثوا بهم. بعد ايه؟ انتهى خلاص راحت خلاص. لما العاصم ينزل القبر ويلاقي نفسه ايه الحبس الانفراد اللي انا فيه ده! ايه الوحشة اللي انا - 00:04:23
رب ارجعون خلاص خلصت. بعد ايه؟ خلاص انتهت. كل حاجة انتهت يا جماعة. لما ييجي المنافقين يعدوا من على الصراط يلاقو امثال بيتهافوا جهنم والمؤمنين بيعدوا ربنا منور لهم الطريق كله. يقولوا لهم انظرونا يستغثوا بهم انزرونا نقطبس من نوركم. بعد ايه خلاص - 00:04:41

بعدين لما قضي الامر لما كل حاجة انتهت. اللي هيفوق لما قضي الامر هيفوق لازمة فوكانه هتبقى ايه؟ هيقوم هيحلق ايه خلاص. بعد ايه زي بالزبط العرض على الله. لما ييجوا يعرضوا على الله ويشوفوا النار قدامهم على يمينهم وشمالهم وبين ايديهم. يقولوا ربنا - 00:05:01

ربنا ولو ترى اذ المجرمون ناكسو رؤوسهم عند ربهم. ربنا ابصروا وسمعوا فارجعوا بعد ايه؟ بعد ايه؟ لما قضي الامر وقال قال الشيطان. الشيطان لما يقول لك واحد شايط منك شايط. شايط يعني مولع. الشيطان مولع مننا. حاقد علينا عايز يدمرنا. عايز يضيعنا. ان الله وعدكم وعد الحق - 00:05:21

تخيلوا لما ييجي العاصي والسارق والقاتل يدعونها ويذهبوا. خلاص في هذا قتلت في هذا سرقت. ييجي العاصي يوم القيمة بيبص للتمسيلية في هزا تركت صلاة الجماعة بيبص للماتش في هزا تركت الدرس بتاع الجامع بيبص للبنت في هزا قطعت صلتى بربنا بيبص للدش بيبص - 00:05:41

الدنيا كلها بيبص لكل معصية عصبية ربنا في هذا اعرضت عن الله سبحانه وتعالى ان الله وعدكم وعد الحق ووعدتكم فاخلفتم بقى ربنا يقول لك صلاة الجماعة بخمسة وعشرين درجة. وانا اقول لك يا سيدى الوقت ممدوه تسمع كلامي وتسىيب كلام ربنا. بقى ربنا يقول لك حجابك ونقابك وعفافك - 00:06:01

وانا اقول لك عيشي شبائك تسمع كلامي وتسىيب كلام ربنا. بقى ربنا يقول لك عش لي. طعني اسمع امري وانا اقول لك يا سيدى العمر قدامك طويل تسمع كلامي وتسىيب كلام ربنا. بقى ربنا يقول لك الاختلاط حرام. وانا اقول لك يا سيدى وايه يعني؟ وايه الحرام اللي فيه؟ تسمع كلامي وتسىيب كلام ربنا. وما كان لي عليكم - 00:06:21

من سلطان. ان الله وعدكم وعد الحق. ووعدتكم فاخلفتكم وما كان لي عليكم من سلطان. انا انا عمرك شفت خمس شياطين ماسكين شاب والله لا انت رايح القهوة خمس شياطين ماسكين بنت والله لا انت رايحة الكواهير. خمس شياطين ماسكين موزف والله لانت واحد رشوة وما كان لي عليكم من سلطان الا ان دعوتكم - 00:06:41

فورا فاستجبتم له. استجبتم لاكبر جريمة عملها الانسان في حياته. استجبتم له. الربا حرام هناكله السفور حرام حرام ايه! اذا هاكشف

شعري واعمله عند كوافير راجل واصبغه واحظ عشر انواع مكياج في وشي وهالبس لبس يفص - 00:07:01

في الاخر ان الله غفور رحيم. يا ابني طع ربنا اطيع ربنا ده انا هنزل على القهوة واشرب كل حاجة بتشرب. واشرب مخدرات واتفرج على الكلبات واتفرج على الفضائيات اللي انا عايز - 00:07:21

اتفرج عليه وهامشي في سكة الزنا والعياز بالله وفي الاخر ان الله غفور رحيم. وفي الاخر فلا تلوموني ولو موا انفسكم. جاين بعد ايه؟ جاين بعد ما الواحد فوجى ان هو عايش في عيشة نار لحاف نار. بطانية نار سما نار ارض نار والعياذ بالله. انت بتشد علينا ليه؟ انا مش هاخدعك. مش انا اللي هاخدعك - 00:07:31

مش انا اللي باضحك عليك. مش انا اللي هامشيك في طريق غلط. انا اللي بانصحك بصدق. انا اللي قلبي عليك بصدق. انا اللي قلبي عليك بكل اخلاص. مش انا اللي هاخدعكم يا جماعة - 00:07:51

جماعه وما كان لي عليكم من سلطان الا ان دعوتكم فاستجبتم. استجبتم ليه؟ استهترتم ليه؟ مصيبة الانسان الاستهثار. كنت باقرأ في خاتمة سورة المؤمنون في قول الله سبحانه وتعالى حتى اذا جاء احدهم الموت قال رب ارجعون صدمة الموت. بعد كده الایات اللي بعدها لما ربنا سبحانه وتعالى فاذا نفح في - 00:08:01

فلا انساب بينهم يومئذ ولا يتتساعلون. صدمة البعث بعد كده صدمة تانية فمن ثقلت موازينه فاولئك هم المفلحون ومن خفت موازينه فاولئك الذين خسروا انفسهم. صدمة تالتة صدمة الميزان. تلفح وجوههم النار وهم فيها كالحون. صدمة النار صدمة - 00:08:22

العذاب. وهم في قمة العذاب يجي لهم النداء من الملك. الم تكن اياتي تتلى عليكم فكنت بها تكذبون. وهم في اقصى مشهد واصعب مشهد ييجي النداء من الملك سبحانه وتعالى. بعد كده النداء الثاني. قالكم ليثتم في الارض عدد سنين؟ قالوا قالوا ليثنا يوما او بعض يوم. خلاص ان ليثتم - 00:08:42

الا قليلة كانت قليلة في قيمتها وقليلة في وقتها دنيتين عايزين ايه من دنيا ربنا قال عليها وما الحياة الدنيا الا متع الغرور. عايزين ايه من دنيا الرسول عليها الدنيا ملعونة. عايزين ايه من دنيا ربنا قال عليها وما الحياة الدنيا الا لهو ولعب؟ عايزين ايه من دنيا الرسول عليه الصلاة والسلام؟ قال عليها انها لا تساوي عند الله جناح بعوضة - 00:09:02

عايزين ايه من الدنيا؟ عايزين ان ليثتم الا قليلا خلاصه راحت. وهم في قمة العذاب المادي. وقمة العذاب النفسي ييجي النداء العلوي افحسبت انما خلقناكم عبئنا. انتم كنتم فاكرینها لعبه! هو ده اللي ضيع الانسان. هو ده اللي ضيع الشباب. الاستهثار - 00:09:22

النوم فاكرینها لعبه. ما كانوش متخيلين ان الموضوع بالخطورة دي. ان الموضوع بالرهبة دي. ان الموضوع بالهول ده. ان الموضوع للدرجة دي. افحسبت انما خلقناكم عبئنا. انتم كنتم فاكرینها لعبه كنتم فاكرینها ليه؟ الموضوع جد يا جماعة. الموضوع خطير يا جماعة. وما كان لي عليكم من سلطان. الا ان دعوتكم - 00:09:42

فاستجبتم لي. في شباب وناس بيطبقوا ده بس مع ربنا بقى. ان دعوتكم فاستجبتم لي. استجيبوا لربكم. انتم عارفين يعني ايه ربنا بيقولوا استجيبوا لربكم لأن ربنا نادى عليك ما ردتش. نادى عليك تاني ما ردتش. ربنا بيقول لك انت ما بتتردش على! انا باذيك وانت - 00:10:02

انت ما بتلبيس ندائى استجيبوا لربكم من قبل ان يأتي يوم لا مرد له من الله. طب استجيب ولبي النداء. قبل ما تشوف حاجة تانية معاملة تانية انت ما توقعهاش ولا فكرت فيها قبل كده. وما كان لي عليكم من سلطان الا ان دعوتكم فاه. ده انا لسه جاي اقول لها اكشفي حته من شعرك - 00:10:22

شكلتها بتعمل شرائيين عند الكواifer. ده انا لسه جاي اقول له بص لقيته بيتكلم. لسه جاي اقول له اتكلم لقيته بيمشي. لسه جاي اقول له افتح التليفزيون لقيته بقى له ساعتين واقف قدامه. الا ان دعوتكم - 00:10:42

فاستجبتم لي استجبتم لي ليه؟ ليه سمعتم كلامي؟ فلا تلوموني. انت اللي ضيغت نفسك. انت اللي ضيغت نفسك. انت اللي احكمت على نفسك بده ولو موا انفسكم انت السبب. انت اللي غفلت عن عالم رهيب كان محيط بك. محيط بك من كل ناحية

في الدنيا وانت ما انتاش واحد بالك. غفلته ليه - 00:10:52

يا جماعة احنا دلوقتي حوالينا عالم رهيب واحنا مش حاسين به. ولازم نحس به ولازم نفهمه ولازم نعيش معه. عالم رهيب يا جماعة. عالم رهيب في هو فين الشهداء دلوقتي ؟ احياء عند ربهم فوق يا جماعة فوق الشهداء موجودين احياء حالا اهو. جعفر ابن ابي طالب فين ؟ في الجنة بيطير بجناحين بقى له - 00:11:12

الف وربعمائة سنة من يوم ما استشهد في مؤته على ايد الروم وهو بيطير بالتحف في الجنة. هو مؤمن قال ياسين اللي قتلوه في اول سورة ياسين فين ؟ قيل ادخل الجنة بيتنعم - 00:11:32

في الجنة حالا اهو. حالا اهو. هو فرعون فين ؟ هو وقومه وقالوا. الوقت اهو. الوقت اهو النار يعرضون عليها غدوا وعشيا. الوقت اهو. واحنا قاعدين بنتفرج على البرنامج دلوقتي بيعرض عليهم عشيا بيعرض عليهم النار والعياذ بالله. بتلحف وجوههم النار وهم في القبر والعياذ بالله. هو المتكبرين فين الوقت ؟ رسول الله صلى الله عليه وسلم اخبرنا - 00:11:42

المتكبر منهم متكبر بينما هو يمشي بتكبر ويجر ثوبه وراه از خسفت به الارض فهو يتلجلج فيها الى يوم القيمة قاعد حالا وهو بيتشدش في الارض. بتنزلزل به باطن الارض الى يوم القيمة. عالم رهيب حوالينا لازم نحس به. لازم نتفاعل معه. فيه حد - 00:12:02

رهيب يا جماعة لازم نحس به تحت رجلينا. عالم تحت الارض ماذا يحدث تحت الارض ؟ ايه اللي تحت الارض قصور افخم الملوك واعظم مش ساكنين فيها ولا يعرفوا حاجة عنها. تحت الارض قصور رهيبة. تحت الارض تحت الارض يا جماعة افران من نار للزناة والزانيات. بيعذبوا فيها الوقت. الرؤبة - 00:12:22

الرسول عليه الصلوة والسلام شافها في عذاب القبر في صحيح البخاري. لما انطلق به المكان ووروه رجال ونساء عراة بيعذبوا في قفص في فرن زي تنور والعياذ بالله. فرن مولع عليهم تحت التراب. يعني دلوقتي تحت التراب فيه فيران نار اشد نار من افران الحديد اللي بتصل الحديد. وفيه قصور اعظم من - 00:12:42

الامراء والملوك واعظم من اي نعيم انشاف تحت الارض عالم او عى تغفل عنه فلا تلوموني ولو موا انفسكم. لو انت غفلت عن العالم الرهيب ده ما تلومش الا نفسك ما تلوميش الا نفسك. ما حدش مسؤول انت السبب. عالم رهيب. عالم رهيب تاني دلوقتي في الجنة والنار. مريتوا قبل كده على قرية جديدة بتتبني. اي قرية جديدة بتتبني - 00:13:02

اما شغالين ليل نهار وكل التخصصات شغالة ليل نهار. في البنا مريتوا على المنزد ده. اهو الجنة والنار الوقت كده يا جماعة. الجنة والنار كده اعدت وكل ما الواحد بيعمل عمل صالح - 00:13:22

بيعد له نعيم اكتر في الجنة. وكل ما العبد بيعمل عمل والعياذ بالله فيه فجور يعد له عذاب في النار. يعني الوقت العمل لو شفته الاعداد تعين المطعين والاعداد لعذاب الفجر والمسين. اللي بيحصل دلوقتي حالا اهو في الجنة والنار. قلوبنا هتدوم. فلا تلوموني. ولو موا - 00:13:32

لوم نفسك انت غفلت عن العوالم دي كلها ليه ؟ انت غفلت عن كل ده ليه ؟ ايه اللي خلاك ما تعيشيش مع المعاني الرهيبة دي ؟ ايه اللي خلاك ما تعيش مع الاحdas - 00:13:52

الرهيبة دي. يا جماعة الموضوع كبير. الموضوع خطير. قال الشيطان لما قضي الامر. انا باجيب لك لما قضي الامر. لما كل حاجة انتهت. لما ما عادش فيه فرصة ان حد يصلح اي حاجة - 00:14:02

ليه خطبة الشيطان في اهل النار قدام الناس اللي ضيعهم وضحك عليهم عشان ما حدش فينا يبقى قدامه ساعتها ابدا. عشان ما فيش واحدة منكم ما فيش واحد - 00:14:12

ما فيش حد مننا بازن الله يبقى معه حلم عمر الشيطان ان كلنا نبقى قدامه و موجودين معه. في اللحظة دي يا جماعة فلا تلوموني ولو موا انفسكم. عاملة بالزبط زي آا واحد شايل شوال. وماشي كل ما يلاقي اكل يعبي. كل ما يلاقي فلوس يعبي. كل ما يلاقي اي حاجة - 00:14:22

اسامينا يعيي يعيي ويجري ويملأ. بعد فترة تعب انا استريح تحت شجرة بقى واطلع اللي انا جمعته عشان استفيد به. جه يطلع من الشوال بدأ يضرب في الشوال بجنون. الشوال فاضي ازاي؟ بيبص لقى الشوال فيه ثقب. لقى الشوال مثقوب اصلا. فاللي كان بيعبيه كان بينزل من الناحية - 00:14:41

اهو ده الانسان اللي بيعمل طاعات ويضيعها بمعاشر. مرة يعني يعني فتيات كده كانوا يعني مرة بيسألوا بيقولوا هو دلوقتي احنا لابسين حجاب بس بنحط مكياج افتكرت الشوال المثقوب. انت بتعمي حسناط الحجاب من هنا والمكياج ينزلها من هنا. ازاي يا جماعة؟ يا جماعة عايزين نفوق - 00:15:01

في ثقوب كبيرة في صحيفه حسناتنا بتضيع الحسناط منها بعد ما بتتحط فيها. في كوم كبيرة. نص ساعة قدام مسلسل ولا قدام حاجة لا يرضي الله عنها ضيع حسناط يوم كامل تعبت فيه. ليه؟ ليه؟ ازاوه البرفان اللي انت بتتحط في منها قبل ما تنزلي هتضيع منك قد ايه؟ هتضيع من حسناتك قد ايه؟ كل دى ثقوب كبيرة يا جماعة - 00:15:21

عايزين نحزر منها. عايزين ناخد بالنا منها. خدوا بالكم يا جماعة. البداية بتبقى صغيرة وبتكبر والله العظيم. مش عايزين الشيطان يضحك علينا. ابدا. عايزين ندي لابليس صفة على وجهه مش عايزين الشيطان يضحك علينا. فيه حاجات بتبدأ صغيرة. اول كل علاقة حرام مكالمه واحدة. اول كل علاقة زنا والعياز بالله نزرة واحدة. اول كل - 00:15:41

قصة مدمن سيجارة واحدة اول كل زعيم عصابة شلن واحد قبل ان هو يحطه في بطنه. اول كل كبيرة من الكبار اوعوا يا جماعة اوعوا يا جماعة يا جماعة الطريق اقفلوا اقفلوا من الاول الطريق من البداية سب كل الابواب اللي بينكم وبين المعاشر اقفلوا طريق الصغار - 00:16:01

عشان ما نوصلش للكبار. اقفلوا الطريق على اي شيطان من شياطين الناس والجن. عايز يدمerna ويضيعنا ويحطنا قدام ابليس في خطبته في اهل النار. اقفلوا الطريق يا جماعة. قال الشيطان لما قضي الامر فلا تلوموني ولو موا انفسكم. اوعوا تخطي في الشوال. اقعد اصرخ اقعد عيط. اقعد لف في ارض المحشر - 00:16:21

خمسين الف سنة على حد يديك حسنة وما حدش هيديك. اقعد دور على اي حد عنده فائض حسناط ومهما كان عنده فائض ما حدش يعبرك. اقعد لوم نفسك اقعد اصرخ في اللي عصيت - 00:16:41

معهم وهم يصرخوا فيك. فلا تلوموني ولو موا انفسكم. ما انا بمصرخكم وما انت بمصرخي. خلاص ما حدش يقدر يعمل لك حاجة. ما انا مصرخكم مهما صرخت صرخت ليه هو العذاب رهيب وايه ابليس ده نار اصلا ابليس مخلوق من نار وشوفه بيتعزب به قد ايه الحطمة - 00:16:51

عذاب الحطمة التي تحطم العظم. عذاب عظيم. احد المفسرين يقول لك اي نار تنفذ الى العظم. تأكل اللحم. سقر يقول لك سكرات والشمس يعني سيحته عذاب يذيب اللحم والعياذ بالله. يعني العذاب الرهيب ده. العذاب الاليم ده كله يا جماعة ما انا بمصرخكم وما انت بمصرخي. اني كفرت بما اشركتموه - 00:17:11

من قبل طلع على حقيقته. ظهر اخيرا. طلع على المنزr الحقيقى بتاعه. اخيرا المخادع الكبير اللي دحك على المليارات. وقف قدام المليارات خطبة الشيطان في اهل النار بتتحط في مليارات يا جماعة. ده كل الف واحد تسعينية تسعه وتسعين واحد منهم بيدخلوا النار والعياذ بالله. كل الف وش تسعينية تسعه وتسعين واحد بيسودوا - 00:17:31

وش واحد بيبيض كل الف صحيفه تسعينية تسعه وتسعين صحيفه بتتمسك بالشمال. وصحيفه بتيجي في اليمين. كل الف واحد بيعدوا من على الصراط تسعينية تسعه وتسعين. واحد وواحد بيعدى. كل الف وزن اعمال تسعينية تسعه وتسعين ميزان شمال بيتقى. وميزان واحد يمين هو اللي بيتقى. الموضوع خطير - 00:17:51

يا جماعة كل الف واحد تسعينية تسعه وتسعين واحدة على النار وواحد على الجنة. ده ده المقياس ده ده العدد اللي النبي عليه الصلة والسلام قاله. تخيل العدد الرهيب اللي قاعد قدامه ساعتها. المليارات - 00:18:11 الرهيبة اللي قاعدة قدامه. وهو بيقول لهم ما انا بمصرخكم وما انت بمصرخي. اني كفرت بما اشركتموني من قبل. اه انا كنت باضحك

عليكم. انا كنت باغشكم والنتيجة اهي والحداد اهو واللي انتم جنитوه من سماع كلامي اهو. ان الظالمين لهم عذاب اليم. من فقد الله فماذا وجد - 00:18:21

نرجع تاني لبداية الحلقة تاني. من فقد الله فماذا وجد؟ كل اصل لها ايه بعيد عن ربنا. يا اللي مشيت في طريق المعصية لقيت ايه ؟ يا اللي مشيت في طريق - 00:18:41

العصيان والتمرد على ربنا لقيتي ايه؟ اسألوا كل واحد سبكم بسنين. اسألوا كل واحد عمل كل حاجة. اسألوا كل واحد نال كل شهوة. اسألوا كل واحد اسئلوه انت خدت ايه؟ وجدت ايه؟ من فقد الله فماذا وجد؟ وجد ايه في الدنيا؟ بنت اوناسيس اغنى راجل في العالم مات. بقت هي اغنى بنت في العالم. واحدة - 00:18:51

معها ثروة يعني ممكن لو اتوذعت على الدنيا كلها تخلي الدنيا كلها اغنيا. حاولت ان هي تدور على السعادة مش لاقية سعادة. في كل حاجة مش لاقية. اكل مش لاقية لبس مش لاقية قصور مش لاقية - 00:19:11

دورت عليها في الزواج اتجوزت من واحد واتنين وتلاتة واربعة زواجات فاشلة. اتجوزت من واحد شيعي. مسحها البلاط. غسلها المواعين خلبيها في البيت كأنها انسانة فقيرة. وفي الاخر تموت منتحر. تموت منتحر ليه ؟ ما لقتش ساعات جربت كل حاجة يئست - 00:19:21

سعادة. من فقد الله فماذا وجد يا جماعة؟ وجد ايه في الدنيا؟ وجد ايه ساعة الابتلاء؟ ساعة ما الكرب يحب الانسان. لقى ايه؟ من وجد الله فماذا فقد؟ ابو بكر الصديق - 00:19:41

لما ابو بكر الصديق لما طلع كل ماله. الرسول عليه الصلاة والسلام بيقول له مازا تركت لاهلك يا ابا بكر؟ قال له ايه؟ قال له تركت لهم الله. الله! انا سبت لهم ربنا يا - 00:19:51

الله! انا كان معي شوية فلوس. اديتها لربنا وبقى معي ربنا. انت كان معك شوية جمال. اديتهم لربنا وبقى معك ربنا. انت كان معك شوية شباب اديتهم لربنا وبقى معك - 00:20:01

ربنا ربح البيع يا شباب. ربح البيع والله العظيم تركت لهم الله. انت يا ابني مصمم انك تصلي في جماعة ليه؟ ما حدش راضي يشغلك. هتعمل ايه في الشغل تركت له الله. يا ابني انت الوظائف حرام وايه يعني مال حرام؟ اقبل الشغل اللي بيتعرض عليه. هتشتغل ازاي وهتتجوز ازاي؟ تركت له الله - 00:20:11

يا بنتي هتلبسي نقاب ازاي ؟ يا بنتي انا امك و بعقولك. يا بنتي انت هتلبسي نقاب ازاي ؟ ومين اللي هيتقدم لك هتعملني ايه في الجواز تركت له الله. انما الثانيين - 00:20:31

الغالبة ساعة الابتلاء ما لقوش حد معهم. ما لقوش معية ربنا سبحانه وتعالى معهم. من فقد الله فماذا وجد؟ ماذا وجد عند الشهوات السراب ما لقاش غير سراب كسراب بقيع. يحسبه الظمان ماء. افطع تصوير للشهوات في القرآن كلمة السراب. المغفل اللي بيجرني ورا الشهوات - 00:20:41

وفي الاخر الاية سراب ظمان عطشان يشوفها من بعيد يحسبها مية بيجرني هيموت تعان بيدهس بينهنج هيقع من طوله وبيجرني انا عايز اشرب انا عايز عايز اروي نفسى مش قادر انا مش هقدر اقاوم. انا عايز اجري طب استريح طب ريح نفسك لأ ويفضل يجري وفي الاخر لم يجده شيئا - 00:21:00

حتى اذا جاءه لم يجد ما لقاش اي حاجة لقى كلها سراب. قاعد يجري يدور على السعادة هيموت. قاتل نفسه عشان يوصل للسعادة. يوصل للذلة وكلها يا جماعة من فقد الله فماذا وجد؟ وجد ايه في الآخرة؟ ما لقاش اي حاجة. لقى الشيطان قاعد بالشيطان يعظ. لقى الشيطان قاعد - 00:21:20

بيتشفى فيه انه ضحك عليه الشيطان بيطلع له لسانه في جهنم والعياذ بالله. وكله بيحرق بالنار. والخطبة شغالة بس الشيطان من غل قلبه على النبي ادمين ما انا قلت لكم شيطان شايطن مولع. عايز يدمرك عايز يضيعكم. عايز ينسفنا كلنا يا جماعة. شيطان. عشان كده بنقول اعوذ بالله من الشيطان - 00:21:40

اعوز يعني يعني انجذبني يا رب. اعوز دي لما بتجري بواحد تعوز به يعني الحقني. الحقني لما تجري على واحد تستخبي في هدوءه. يعني ده المعنى في اللغة. والله المثل الاعلى. يعني - 00:22:00

اغتنى يا رب اغتنى يا رب. الشيطان هيضيعني يا رب. من فقد الله فماذا وجد؟ لقيت ايه؟ انزعوا الالغام يا جماعة. انا في نهاية الحلقة وصلنا لاخطر فقرة فيها فقرة التوصية العلمية. انزعوا الالغام يا جماعة. الشيطان قبل ما يكلبش قبل رمضان زرع الغام. ومن غير رمضان. قاعد يزرع الغام تنفجر فينا - 00:22:10

ادمرنا زرع الغام فتن كتير. زرع الغام شهوات كتير. في رمضان زرع لكم مسلسلات. عشرين مسلسل متتكلفين خمسين مليون جنيه. خمسين مليون جنيه مامي هو ما يهموش انه يصرف قد ايه. الشيطان يا جماعة قبل ما يتسلسل قبل رمضان زرع كل حاجة. زرع دورات وزرع كافيه شوبات وزرع خيم رمضانية - 00:22:30

اخترع كل حاجة. وبره رمضان بيزرع الغام رهيبة. الغام ممكن تنسفك. لو انت ما خدتتش بالك ودوست عليها واتعرضت لها. انزعوا الالغام من حياتكم يا جماعة. انزعوا الغام اللي الشيطان زرع حالتنا من حياتنا. لازم ننزع الغام اي فتنه من حياتنا. اقفلوا باب اي معصية. اقفلوا باب اي باب بينكم وبين اي معصية. لازم والا المعصية تنفجر فينا - 00:22:50

لازم يا جماعة احنا الوقت على فين يا شباب؟ على فين؟ على حياتي كلها اغيرها. على حياتك كلها اتغيرها. على كل حاجة من اول المحمول. المحمول يا شيخ شباب عايزين نعمل مشروع اسلامة المحمول. بس انا عايزكم تسخنوا معى في المشروع ده. اسلمت المحمول. اسلمته ازاي؟ اي نمرة حرام. اي نمرة اتولد على محمولك. اي نمرة بنت على محمول - 00:23:10

بتنتشال على طول فورا تتمسح فورا. تتمسح. ولو انت في علاقات مختلطة كتير عارفة محمولة. وعارفة النمرة او علاقات مع ناس بتعصي ربنا مع عارفة النملة غير النمرة كلها. اسلمت المحمول. النغمات. بنبقى واقفين نصلي في التراويف. وكل مغنيين الامة العربية والامة الغربية. كلهم قاعدين يغنو معنا واحنا ايه يا اخوانا ده - 00:23:30

ده محمول وظابطه على فلان وده على فلان وده بيمن وده بيمن. عايزين يا اخوانا نغير النغمات دي كلها. غيري نغمة محمولك. وانت غير نغمة محمولك. وصاحبك وصاحبتك واحنك وابوك ووالدك وابنك. كل ده نغير نغمات المحمول. طب لي واحد صاحبى عامل نغمة وحشة اوبي. ابعت له رسالة بنغمة دينية يستبدل اول ما يلقطها - 00:23:50

استبدلها بالنغمة اللي عنده تبقى خدت سواب. يا جماعة يا اللي فاتح موقع نت اسلامي. اعمل ركن لنغمات المحمول الاسلامية. حمله يا اللي يا اللي بتاع محمول. او عى حمل نغمة حرام. تاخد وزرها كل ما تستغل في اي مكان. يا جماعة عايزين يا جماعة عارفين الليلة على المحمول بتاعنا. نسلمه. نتوبه لربنا - 00:24:10

نتوه باحنا والمحمول بتاعنا والكمبيوتر بتاعنا. نتوب احنا وكل حاجة في حياتنا. نتوب على فين يا شباب؟ على حياتنا كلها نغيرها. على كل شيء في حياتنا نغيره. من اصغر حاجة لاكبر حاجة من اول المحمول بتاعنا لغاية قلوبنا اللي جوة قلوبنا. يا شباب يا اباء يا امهات يا اخوانى في الله ارفعوا ايديكم وادعوا معى. احنا - 00:24:30

ايم عظيمة. احنا الوقت محتاجين كل دعوة تطلع مننا لربنا. احنا وصلنا الوقت لاخطر فقرة في حياتنا كلها. يا رب اللهم تب علينا لنتوب. اللهم ثم تب علينا توبه ترضى بها عنا. اللهم انقذ شباب امة محمد. اللهم انقذهم من شياطين الانس والجان - 00:24:50

الله دمر شياطين الانس والجان. اللهم احفظنا من الفتن ما ظهر منها وما بطن. اللهم ثبت قلوبنا على دينك. اللهم نستغفلك اللهم نستنصر بك على الشياطين. اللهم نتوب اليك. اللهم انا نلوذ بجناحك. اللهم اغثنا - 00:25:10

الله اهدنا اللهم تب علينا اللهم اهدي شباب امة محمد وفتیات امة محمد. ورجال ونساء امة محمد واطفال امة محمد اللهم انزل على قلوبنا الهدایة املا قلوبنا من نورك. اللهم اعنا على طاعتك ليلا ونهارا. اغسل قلوبنا بالايمان - 00:25:30

صدورنا بالايمان. يا رب تب علينا من كل ما مضى. يا رب يا رب ثبتنا على طاعتك حتى نلقاءك يا رب برحمتك يا ارحم الراحمين. يا رب اعنا على انفسنا اعنا على انفسنا. اعنا على انفسنا يا رب العالمين. سبحان - 00:25:50

اللهم وبحمدك اشهد ان لا الله الا انت استغفرلوك واتوب اليك. وجزاكم الله خيرا - 00:26:09